

吳氏支譜

卷十一

傳畧

卷十二

義田記

祭產

刻印工料細賬

254
2643
6

吳氏家譜卷十一

中傳略書

也安公傳

內姪繆



也安吳公為予姑丈與先大夫稱莫逆交次子慰昌又從子季弟游熟稔其行誼今來乞傳不敢以不文辭謹按公諱泰曾字心顏號也安系出秦伯為吳望族文章科第代有聞人父邦懷公諱臻榮力學早世母謝太孺人本生父諱臻福嘉慶庚午舉人安徽盱眙縣教諭係舉知縣母蔣太孺人履齋公有子六公居長二齡出嗣為邦懷公後時本生祖父母在堂劇憐愛之幼即穎異十齡能握管為文稍長從顧實甫顧梧生張憶萱王鏡巖諸名師游學日進名日噪縣府試輒列前茅願院試屢蹶辛卯李石洲太守拔取

長洲縣第一明春遂授知於學使汪巽泉先生復以第一入府庠
再試高等補增廣生公以祖父俱由科第顯益自砥礪鄉試屢薦
未售而志不少挫猶憶乙未余幸列賢書公來賀索觀闈墨意致
勤勤夫功名之際僂得僂失本無常境而世俗當失意時往往憤
懣不平甚或加以嫉毀公獨虛懷乃爾可以徵其學養矣公至性
過人逮侍重闈生事祭葬一規於禮以謝太孺人苦節請旌於
朝復徧徵詩文壽諸梨棗母疾焚香禱天願以身代本生父履齋
公遠宦盱江月必數寄稟函撫視諸弟友愛備至生平謹言慎行
束修自好胸無城府見善必爲而於族中孝子節婦尤亟思表揚
教授生徒循循化導旣再覲悼亡又抱喪明之戚居恆挹挹無聊
甲寅春遂得咯血疾是年爲公五十初度謝絕賓朋豫書遺囑訓

慰昌以恪舊訓毋墜先業若自知病之不起者然遇酬應猶間一出門適予於四月間奉諱南旋公唁於苦次身尙衣裘言輒作喘自謂旦夕且死數年契濶故力疾來慰嗚呼可謂篤於情者矣越一月而卒時五月二十七日酉時也距生於嘉慶乙丑二月十四日午時享年僅五十耳元配顧孺人先公二十五年卒繼配繆孺人爲予族祖吳縣附監生前署福建清流縣知縣芮橋公諱竣女先公六年卒子二長慰高長庠生顧孺人出先公三年卒娶龔氏次慰昌予姑母出出嗣堂弟金如公後聘予堂妹女一蘭妹孫庚吉慰高出俱早殤公之宗祀僅延一綫予作公傳尤願慰昌善遵遺訓以肩鉅任且以成公未竟之志也慰昌卽於是年冬將公櫬祔葬於葑門外元邑中三十一都十六圖寺後東圩祖塋啟顧孺

人繆孺人之兆合窆焉

三十一將十六國寺於東移於西

以公未竟之志出憇昌州於是年冬

公薨於高州身早薨公之宗祿盡一

公薨於高州身早薨公之宗祿盡一

公薨於高州身早薨公之宗祿盡一

公薨於高州身早薨公之宗祿盡一

公薨於高州身早薨公之宗祿盡一

公薨於高州身早薨公之宗祿盡一

公薨於高州身早薨公之宗祿盡一

公薨於高州身早薨公之宗祿盡一

公薨於高州身早薨公之宗祿盡一

顧孺人傳

顧鳳藻

孺人姓顧氏字質卿家渙邨封翁第四女吳生也安之室也少聰慧嫻閨訓女工亦極精巧年十四母毛太宜人卒哀泣極摯事父孝十九歸於吳舅邦翁先生已故時姑謝太孺人抱病孀居二十餘年常臥床蓐孺人事之極盡孝敬朝夕侍奉不離左右得姑氏懽姑病漸減嘗謂曰汝事我如母我亦視汝如女姑媳相得沈鬱日開予病可無慮矣不一二年姑病竟霍然悉以家事付之孺人必稟命而行不敢專姑氏之節去冬合例請旌力勸生呈請事得行心始釋然本生舅履齋孝廉挑選外翰遠宦盱眙孺人思念不置每接舅姑家書展函雜誦有若相晤對者生素性篤學克自勵志孺人不辭勞瘁親自操作備極周至不欲以家事紛其心又

生爲長房冢子春秋祭掃四時薦新獨力承辦孺人擘畫支持肴饌必豐親戚歲時存問儉必中禮待戚獲輩無疾言遽色生一子年五歲甚聰秀姑極愛之孺人素有肝病今春兒染痧症多方調護得痊姑心以慰而孺人之病日加劇矣生虔心祈禱徧訪名醫竟弗克瘳沒之夕兒已熟睡忽然醒起哀號不止此亦天性所感也及至臨逝神識不昧惟以不及終養爲憾屬纊兩目未瞑純孝之心至死不變姑氏惜之命生請予爲作傳以載家乘吁是益可徵孺人之所以事姑者矣孺人生於嘉慶十年乙丑十月二十日未時卒於道光九年己丑五月四十七日丑時年二十五歲子一

慰高 拔鳳升字贊聯宋與神棲念第四文吳士也必之室也少相

鳳齡人

鳳齡

繆孺人傳

馬昂霄

也安吳君繼室繆孺人歿後之十載次子慰昌因纂修家乘郵寄其行略巧作傳余欲以不文辭顧念余與延陵世好孺人之行實有耳熟之而能詳者因按其略而次之孺人姓繆氏諱傳葆芮橋明府之長女吳君也安之繼室也芮橋先生官蓬萊而孺人生少事父母卽以孝聞賦性穎異并知大義迨二十二歸延陵時舅邦懷公已早世未及事姑謝太孺人抱病孀居調護承歡一秉至性本生舅遠宦盱眙時時慰問每逢上祖春秋祭祀四時薦新大宗獨力承辦孺人擘畫支持肴饌必豐親戚歲時饋遺儉必中禮相夫子以治家靡不殫盡心力撫前室顧孺人之子慰高飲食教誨視如己出娶媳龔氏亦極慈愛教子慰昌以嚴自塾歸篝燈課讀

無倦容慰高患腹多方醫治虔禱得痊孺人之心遂慰至於上下
內外罄無不宜此又孺人之賢淑推而致焉者也嗚呼如繆孺人
者洵克稱賢婦矣孺人體氣素弱始患肝病吳君徧訪名醫盡心
調治時止時發後因血氣並虧致成臞症先吳君六年而卒子一
慰昌女一蘭姝幼卽聰慧早殤孺人生於嘉慶己巳年五月十三
日戌時卒於道光己酉年十二月二日巳時年四十有一

誥授朝議大夫同知銜樂昌縣知縣隨帶加一級吳縣吳公傳
公諱思樹字念之號小棠江蘇吳縣人吳氏自泰伯後以族望冠
南中世有顯德公父鑑庵先生諱廷瓚舉賢書重游泮水贈資政
大夫公生而岐嶷幼嗣爲季父棣華先生諱廷琛後棣華先生壬
戌殿撰以魏科敷歷中外公常從故學問經濟得於庭訓者爲多
道光乙酉以附貢舉於鄉筮仕得廣東知縣攝平遠陽春縣事壬
辰補樂昌縣知縣歷署黃岡同知連州嘉應州直隸知州所至皆
有循吏之聲任樂昌時邑多盜前令無如之何公密運機宜盜悉
就捕一境肅然大爲撫軍朱莊恪公所賞露章保薦泊
欽差大臣林文忠公莅粵稔知公才由嘉應調資參佐公遇事匡
正不稍阿徇文忠益器重之適香山海防戒嚴因以縣篆委公公

周視海口嚴密布置分派弁勇扼守辛丑春番舶果乘潮大至礮
子雨集幸豫有備不爲動奸人有欲內應者悉訪得擒治之於是
人心益壯並於城外土山立營爲犄角相持三晝夜敵不得逞欲
退而又爲海口梅花樁所阻遂大窘公募萬人感之將火其船而
海潮驟漲僅得遁去其時近海多遭蹂躪而香山獲全事聞
宣宗御筆於公名硃圈者六後以撫局旣成未竟所用識者惜之
是役也香民感公甚尸祝不絕迨公以卓薦去官攀轅臥轍請留
不得至播爲圖繪詩歌以矢弗諼而公亦習於茲土情頗戀戀夫
世所稱能吏往往與民爲仇民惟恐其去之不速官則旣飽而颺
亦且視爲暴之區疾驅不敢返顧若公者其庶幾朱邑桐鄉杜詩
南陽之風歟公治尚嚴明而一以慈惠爲本折獄詳慎不事敦扑

連州屬縣有被掠於普洋鄉者邏者以逆聞議欲盡殺邀功公廉得實僅誅其當罪者全活甚眾操尚狷介處膏不潤而所歷輒百廢具舉案牘外惟以圖籍自娛交友敦篤不作妄語尤喜扶植士類壬辰充廣東鄉闈同考力挽頽俗杜請託所得皆知名士其精當貞立類如此壬寅奉內諱歸以本生父鑑庵先生暨嗣父棣華先生均年高不敢違養遂有終焉之志而於鄉閭善舉猶孜孜不倦己酉以辦賑晉同知銜咸豐庚申粵逆陷蘇時事日棘殷憂憤惋遂於同治癸亥邁疾卒春秋七十有二子六人長質生次福生次寶恕次韶生次應生次萊生寶恕戊辰科進士翰林院庶吉士爲予同治壬戌典試順天所得士持狀乞傳予粵人也知公之爲德於粵者較悉因撮其梗概云爾

誥授光祿大夫 經筵講官 戶部尙書 武英殿總裁 署翰林院
掌院學士 加一級通家 愚弟羅惇衍 拜撰

入寶懋定 隨主定懋主定 萊定寶懋 入氣輝 蘇士 儲林 劉 吳 吉 士
對 劉 效 同 出 榮 友 慶 榮 卒 春 林 士 十 齊 二 子 六 人 身 從 坐 定 取 坐
對 以 西 以 繼 祖 管 同 狀 商 知 豐 與 申 專 德 節 赫 朝 每 日 赫 朝 聖 德
衣 主 以 半 高 不 準 戲 藝 戲 育 祭 焉 之 志 頃 效 職 問 善 舉 曾 寫 將 不
富 貴 立 辭 取 此 壬 寅 奉 內 翁 嗣 以 本 生 父 謙 與 次 生 登 嗣 父 赫 華
賤 壬 亥 衣 與 東 嶽 關 同 錄 次 以 爲 謙 介 赫 謙 持 以 爲 習 狀 合 士 其 辭
與 具 舉 樂 勉 似 斯 以 圖 辭 自 謙 公 次 以 爲 謙 介 赫 謙 持 以 爲 習 狀 合 士 其 辭
辭 實 猶 藉 其 當 罪 皆 全 部 謙 介 赫 謙 持 以 爲 習 狀 合 士 其 辭
與 赫 吳 湖 育 赫 赫 效 普 效 謙 介 赫 謙 持 以 爲 習 狀 合 士 其 辭

先室韓恭人行略

有序

艾生

咸豐三年癸丑秋九月先室韓恭人挈一子兩女由潞河南歸省親二十六日舟次青縣城北猝遇寇至恭人瀕死復生偕子女避至靜海縣東南之崔家莊匿焉予在都門訛傳全家被害慘痛萬狀既遣人至附近村莊訪尋不得已招魂設祭爲位而哭之矣迨次年正月賊退乃得確耗喜出望外卽馳稟二親並自津門迎歸邸寓時恭人疾已劇彌留之際神識湛然惟言予女生還死復奚憾越四日卒嗚呼恭人遭此厄難艱苦備嘗幸得家室重圓竟不及一訴苦衷稍紓胸臆傷何如之又念恭人一生居心行事溫惠淑慎實足垂諸家乘昭示子孫而患難之際默邀神佑其心愈苦而其事良奇尤不可不紀以垂後爰濡淚和墨詮

次梗概如左

恭人姓韓氏曾祖香麓公諱鍵元邑歲貢生候選通判贈光祿大

夫刑部尚書妣氏顧氏邵均一品夫人祖麗庭公諱濤國學生贈

修職郎妣氏蔣生祖妣氏洪均孺人考螺峰公諱樵廣東歸善縣

巡檢特用縣丞授修職郎妣氏顧封孺人螺峰公生子女各二人

恭人居長幼穎悟得重闈歡年十歲即隨螺峰公之官粵東侍奉

之餘嫻女工針黹長通經史大義時子仲父鏘如公以縣令同官

斯土叔母韓恭人為前大司寇桂船先生諱對之女與螺峰公為

從兄弟見恭人而賢之稟命予大父母締姻焉道光庚寅予補博

士弟子員越歲辛卯仲父以卓薦入都假旋慶大父母七秩遂挈

予赴粵就婚十月成禮外舅時適轉餉川中至明年三月未歸外

姑顧孺人以子當應省試卽命恭人從子歸里恭人不忍遠離勉強就道途中僅攜一幼婢躬任操作不辭勞苦舟次鄱陽湖口遇盜數十輩登舟劫奪訪知係沿湖飢民恭人憫之囑子勿究五月抵里大父中憲公大母張恭人見恭人舉止端莊動嫻禮則馳諭吾父謂新婦賢宜留侍二老蓋子母父時方以縣令需次大梁子母及弟妹均隨任家惟伯兄留侍恭人既來歸與伯嫂同侍祖庭獨蒙張恭人摯愛晨昏在側曲意承歡歷數年如一日癸巳六月長女德芬生乙未十月次女德華生時子秋試後省親如沐恭人鞠二女躬哺淖糜刻苦節嗇日用數十錢猶不給則爲他人刺繡以佐之有餘輒施貧乏丙申子母率四妹歸遣嫁隴西恭人侍奉服勞一如事張恭人張恭人與子母皆願

而樂之戊戌子自汴歸里其秋伯兄嫂奉母如汴恭人始隨諸叔

母共襄內政春繭秋糧料量出入蘋蘩脩髓必敬必腆顧自奉儉

約如故是冬外舅入覲假旋作半月留恭人違侍數年悲喜交集

而臨別依依倍難爲懷庚子子舉京兆試捷報至里大父喜動

顏色恭人亦竊幸祈禱有靈足慰重闈期望然喜不踰時卽聞外

舅粵中凶耗哀毀萬狀又以大父年高強起侍奉如平時辛丑

大母稱八十雙慶綵觴累月賓從如雲子父命伯兄嫂歸祝恭

人隨同料理內外秩然旋因子捷南宮觀政虞部大父馳諭宜

及時練習不得假旋並謂汝未有子當送汝婦北上子大母雅

不欲恭人之遠離也顧重違大父意不肯顯言執手臨歧泣然

相對乃恭人在途鬱悒成病抵都甫半年猝聞張恭人訃一慟

幾絕自是每歲時令節未嘗不感念曩時泣數行下也都門風會日華婦女多以豪侈相尚恭人從俗從宜不廢酬應而每事率從儉約服飾猶安樸素時從父姓舫公供職詞垣從母嚴夫人見恭人持家豐儉得中每向人稱述以爲可法癸卯外姑顧孺人歿於粵東無資歸櫬恭人尤愴於懷枕上淚痕常溼也甲辰七月

長子

生稟命

大父命名

恩慶

乙巳子乞假旋里往返五閱月恭人偕

子女在京經理一切釐然各當丙午大父中憲公棄養恭人聞

訃哀泣盡禮是歲

六女德莊生

子

父自壬寅丁

張恭人憂旋

里旣服闋以

大父年老不再出山而兩袖清風家徒四壁至是

予稟請安車就養恭人亦力贊成之以丁未十月迎至京恭人來歸十五載始拜見於邸寓竊幸晨昏侍奉從此可供婦職每事先

意承志不令雙親知清貧景况並因伯兄需次保陽斧資不給先

於乙巳冬召

姪豫慶

至京為延師課讀恭人視如已出養殮所需

必親自檢點既徹饌乃與子女共啜其餘及是復迎伯嫂姪女同

來伯兄時往來省視一家骨肉除三弟挈婦在黔外餘皆融洩一

堂極他鄉之樂事惟恭人自北來時途中胸臆不舒並感寒滯成

嗽上氣疾比年操持家政心力為瘁又以外舅姑遺骸未歸每一

念及盡然神傷至戊申己酉之間每屆深秋輒至委頓日事藥鑪

迄未奏効是年為

豫姪

娶子同年海昌何白英農部

國琛

之女恭

人亦出嫁時衣飾助之庚戌正月恭人方娠以嗽甚殞胎瀕危復

安若有神助咸豐紀元正月

姪孫應咸

生子

母喜抱重孫為加

餐飯恭人亦喜慰過望予

父以北地嚴寒久思鄉里會伯兄署

景州吏目得咯血症子爲乞病迎至京邸乃卽於是秋挈兩世夫
婦南歸子與恭人挽留不得請隨行又不許自是恭人每爲子言
堂上春秋高君苟得乞身盍早作歸計子謂一官本非所樂然堂
上期望之殷亦思稍進一階方可徐圖歸養壬子五月予補授本
部鉛子庫主事癸丑三月次女遣嫁查氏予以恭辦次孝和睿皇
后奉安禮成奉次旨以應升之缺先行升用補授都水司員外郎
五月考試御史引次見記名時粵匪踞大江南北烽火徹於吳門
予思南歸省視而承辦火藥鉛丸未竟並繕脩都城方事之殷未
克陳情恭人慨然曰子留報次國我歸事親義也遂行同行者恭
人弟德臣文憲及恩慶之師張同生孝廉兆鵬於九月三日親送
至通州登舟而別時楊翼堂大令宗勉徐霽吟司馬宗勉亦由潞

河南下預約偕行并託途中照料而徐君因事遲留至十一日始由通解纜一路水淺膠舟徐舟行尤滯十七日恭人舟抵天津過關守候時粵逆已犯畿疆天津戒嚴予先自通回京馳書囑星夜趨行旣又馳書囑勿行乃此函竟未得達恭人守至廿一日徐舟定議止不進楊舟欲行同生書來決諸予於廿五日寄到予卽專人持書止之廿九日聞賊已犯天津又遣人迎護歸舟十月六日人回乃知同生不待復書已與楊舟於廿二日解維矣十一日與楊同舟之汪侶笙孝廉寓書來京言九月廿六日行至青縣迤北齊家園地方突遇賊船無數楊帆而至同舟之人紛紛登岸逃避吳船在後不知下落予駭痛昏迷一籌莫展隨具呈京兆尹飭役協家丁到彼訪查十六日汪君回京所述與前書同並言是日家

人輩登岸後回顧吳船並無逃者而賊已登舟遙聞船中哭嗚聲
須臾寂然及汪君行至大成縣遣人詢訪沿河居民俱言我船被
殺兩人並有投水者追訪查人回京招尋無跡亦言是日居民見
賊上船後船中人或被殺或投河賊卽奪船北駛等語是合船人
口俱無生理可知都下知交聞變來唁者趾相接卽訃告同人招
魂設奠惟念被害情形究無確據况慘變至此事前旣無先兆事
後又無夢徵雖爲文以禱於都城隍之神亦復幽冥莫告靜夜思
維痛益加痛十一月伯兄中憲公又以疾卒於家念我二人連遭
拂逆恐不能堪卽欲馳歸省間而都門戚好僉勸俟道路無阻再
行本年正月十二日聞大兵攻克獨流擬再訪求消息忽於十六
日得德臣來書言上年九月二十六日船泊青縣齊家園迤北遙

見賊至恭人甫囑伊挈兩僕婦抱

恩慶德莊

由船窻跳入小划子

躲避而賊已登舟同生被執罵賊遇害恭人與

德華

投河伊將小

船開放未數里見恭人與

德華

屍漂近船側撈救得生次日上岸

行至靜海縣東南村莊覓房居住時運河兩岸結營無由得渡不

獲寄信至京直至正月九日聞官兵攻克獨流靜海之賊由西岸

竄去伊始迤邐北行遇勝帥克齋領兵追剿當即報明派官役護

送至津等語予乍得此函如夢如醉反復披覽字跡逼真隨遣人

赴津料理而德臣已偕恭人到通廿二日德臣來京言恭人舊恙

復發須在通調治予旋到通見恭人羸弱益甚氣促寡言猶以多

年舊疾冀可俟春暖平復延更生歲月乃恭人自度不支至二月

六日囑予遣輿迎歸京邸既至恭人已不能轉側延醫診治僉謂

正氣極虧非藥石所能補救初七八日恭人卽不食初十日申刻
瞑目長逝嗚呼哀哉迴憶庚戌正月恭人產難將殆余夢兆有延
壽五年之說今方逾四年遽舍我去豈妖夢果可憑耶方恭人遇
賊時揮子女引避慷慨赴死更無他顧乃天心仁愛巧值小船撈
救重生則又以保全子女爲已任比年每值冬寒卧床不起而處
飢寒困苦之中反得精神強健舊恙不侵謂非精誠感格鬼神護
持安能若是迨挈家回京克保無恙恭人之願大慰而恭人之心
力實瘁縣愒俄頃奄然化去恭人固瞑目於地下而以予才疎智
短謀之不臧累恭人遭此顛沛卒以身殉返躬自問其將何以爲
情耶追念恭人于歸廿有三年侍奉重闈處娣姒猶子輩俱無間
言下逮臧獲婢妾無不曲加體卹自奉儉約而周卹貧乏不少吝

寓居教場胡同時有隣婦饔飧不給病痢且殆恭人知之延醫往診一藥而瘳并酌予錢米資之日用所需每飭家人僕婦勿與負販人較錙銖常曰負販者竭一日之力賴微利瞻家何忍絕其贏餘故家中斗秤尺出入如一或聞其人家有老親於償值外另給數十錢冬月製棉衣施與之曰彼禦寒有資可以夜販居半截胡同時隣有業裋糊者白盡遺孤寡五六人恭人資其殮並鞠其一女衣食之復言於親串中量爲飲助盛夏暴雨不止有賣瓜者弛擔於門減值求售恭人仍計時值與之歲底書零星煤米券遣人散給各貧戶不令言所自來或一歲無資乞予爲之子始知其行之已數年矣其他所行類此者不可殫述外舅姑遺櫬未歸每靜夜吸泣而不輕爲子言耀南內弟流寓粵東子或偶有寄將恭人

亦未嘗向子請也次弟德臣年最少甫成童招之來京數載由

實錄館供事議敘未入流恭人料量衣食外惟助以勤苦當差不少假借每日少年習勤苦異時庶可自立依草附木終非久計云生平不設城府遇人有過輒面責之而亦不念舊惡持家寬而有制儉而不嗇至其臨事不苟權輕重審緩急卒能挈子女生還正命牖下雖由天幸及友朋之力居多而恭人之苦心有不可泯亦恭人之居心仁厚行善不倦有以致之也嗚呼哀哉恭人生於嘉慶十六年辛未九月十二日辰時距卒時年纔四十有四歲道光庚戌三月恭遇 覃恩誥封恭人子一 恩慶 幼讀女存者三人長適海昌前貴州道御史查公又山 名 元偁孫前兵部郎中硯君 名 彥鈞三子 應驥 次三未字子遭遇變幻憂喜疊乘心緒勞亂追敘

恭人生平事惟紀實言之無文惟望

當代立言君子錫諸傳誌銘誄以光泉壤不勝榮幸之至

庚戌三月恭啟 武定縣志卷之二

吳十六年辛未八月十二日吳朝聖卒

葬人文派山北吳氏善不世育以疑之也

命顯不難由天幸其父服之代其志而沐人

誠愈而不曾至其嗣事不世其難重審難念

志平不難其誠數人育酸腫而費之而亦不

少難其誠曰少平醫難苦吳朝聖何自立也

實難論海軍難其未人而恭人林量亦食代

亦表其同予謂也夫吳朝聖也半是少甫也

吳門韓恭人傳并哀詞

長洲

彭蘊章

天下事有不可知而卒無不可知者禍患之來玉石俱焚賢哲何嘗獨免此其不可知者也若夫危而復安死而復生似天爲之委曲周旋以佑善人者又其理之昭然可信者矣吾蘇吳氏世有隱德近數十年科名鼎盛其子弟類能敦本務實讀書明理里鄰無間言引之侍御元配韓恭人隨侍御都門十餘年勤儉操作克盡婦職咸豐三年春粵匪陷金陵鎮江二郡蘇人震恐流離遷徙恭人念舅姑年高急欲歸里侍養以江路梗阻不果行比秋知有繞道仍通行旅遂決意挈子女遄歸有阻之者弗聽也以九月二十六日舟至青縣迤北猝聞賊至恭人囑其弟文煜挈子女二人乘划船逃避而自攜一女投水盡節划船行不數里見三戶相抱漂

至撈起則恭人及其女也救治得甦次日行至靜海縣東南村舍避焉時賊踞靜海無由寄書達京全家居一土炕衣秋衣煨爐火以度嚴寒每日或一餐雜以糗糒免死而已至次年正月初九日賊始竄去乃得脫歸京師骨肉重聚而恭人旋以病歿時咸豐四年二月初十日也嗚呼哀矣當此烽煙滿地誰不知行路之難者恭人之急於歸爲侍養舅姑也假使骸骨竟付東流子女或亡或失亦意中事乃無何而危者安死者生苟非冥冥中有默相之者而能若是耶此則吳之世德與恭人之孝思有以致之矣迄乎父子夫婦相見而慶更生恭人雖死其何憾焉因侍御之請而爲之傳并系以哀詞曰
李無不曰朕嘗聞患之來王百其身焚質昔何蒼蒼者天豈不仁孝思感召若有神入水不溺全其身爰率幼穉

棲荒邨三冬無衣炊積薪充飢蔬糲不得溫刀砧瀕死經十旬雪
消茆屋回陽春全家始得還京門京門翦紙早招魂相逢歡極重
酸辛已寒骨肉幸尚存從今偕老保百年詎知中路仍棄捐令終
牖下手足完勝葬魚腹水之濱惟孝格神神鑒焉維持冥漠理則
然我欲勸世孝道敦請書彤管吳門韓

亡三女小序

余生三男五女第三女德潤 先母韓恭人所命名也道光十五年十二月初七日生幼時幽嫻沉靜得 重幃歡稍長余自課識字讀閨訓小學孝經等書己酉秋隨余歸省年十六時覽江山以佐吟咏女紅之暇尤喜閱感應篇陰騭文覺世經等篇及賢哲格言朝夕言行一準功過格乙卯春患痰核兼閱醫方識藥性所患漸痊丁巳春董孺人忽患指風女虔禱而愈今年三月杪余感微瘟病熱不過一旬及一月而健殊不知三女之憂惶特甚也七月初女患伏暑余適委代宜川無暇診視女猶爲余檢點行裝余抵宜川接家信知其漸安遂不置念而女念予不忘時嚙語曰吾父將過九月回耶蓋體已憊矣調治至九月不能起牀其母疑之曰

汝父四月病時曾對天許願乎曰有諸問何辭則不答廿一夜汗
出不止母慰之女恐傷母心則欲言又止至廿九日午正溘然而
逝嗚呼惜哉檢其遺篋有按日自記功過格言父母有疾請以身
代減己壽以益親果出至誠神必鑒諸等語嗚呼代余耶抑非耶
數耶命耶不自知涕之何從也女爲先慈韓恭人所鍾愛女亡
而追念先恭人悲益增矣不憚縷敘以列諸家乘云爾咸豐八
年十月十九日父吳潮生拭淚書

吳朝生

節孝朱孺人家傳

孺人姓朱氏浙之仁和人考諱瑞楣附貢生候選府經歷妣氏蔣

弱年韞慧淑質含貞削札而讀父書毀膚而療母疾有敏行焉有

至性焉年十九歸於吳君怡如君故臬使棣華先生孫也郝公選

壻得逸少於東牀蹶子來嬪匹韓侯於南國孺人紡塲助讀錦幔

酬書具棗栗之儀承筐必敬飭衿纓之佩視寢無愆婉順洽於尊

鍾柔嘉稱諸戚族無何一麟方誕雙鰈旋分嘔枯長爪之心夢墮

盈懷之淚道光丁未怡如君以勤學遽歿時孺人生子曾鈺僅百

日耳天胡不弔身賸未亡固已志決摩笄烈思化石舅鶴墅公姑

關太孺人百端慰諭始勉承恩命泣撫遺孤月冷深閨啣啜將雛

之瘁霜嚴畫角淒涼寡鵠之吟閱五年關太孺人亦卒曲斷姑恩

哀纏婦髮於時榛筭送往雪縷持家冬日燂燔上安乎君舅秋宵
畫荻下翼平藐孤鶴墅公遂得樂慰含飴情忘撤瑟資循陔於孝
婦將傳視於弱孫迨咸豐六年三月十六日公又卒斯時也天荒
地老雪虐風饕撫孤露而何依攀重闈而盡逝三喪疊舉則力竭
棺衾一木難支則心驚牖戶經營窀穸黽勉有無室慘慘其誰憐
影煢煢其獨對遂至淚隨血墮腸其憂煎始則桂火心空繼則梅
枝骨立猶復含辛朝奠力疾宵燈理家計而署米鹽熨兒衣而持
刀尺劬勞加劇緜悒斯臻於是年八月九日疾遂不起春秋僅三
十云嗚呼十年文祿纔得離懷百尺寒泉已傷見背怨天道之何
酷痛鬼伯之不仁然而精禽鼓翼填海之志未成貞木交柯同穴
之衷斯慰若孺人者又何歎邪同治七年曾鈺旣補吳縣學弟子

員發鑿楹之書能繩祖武感斷機之訓痛念慈暉以孺人節孝陳諸當事得上請如

制是則間名行義標異於桓煖臺築懷清旌華於巴婦芳馨不沫

綽楔彌光

培源

與曾鈺忝同硯席敬悉徽華用述母儀俾垂家牒

亦謂傳登高行實彰中壘之篇義著貞姬足耀楚宗之乘焉爾
光緒元年歲在乙亥秋八月年世侍生新陽朱培源拜撰

小南派平類亦之乙亥派八其平對持坐確獨米計燕群

小南派平類亦之乙亥派八其平對持坐確獨米計燕群

與對離光 部所 與智誠添同題高遊悉辨準用數母始得年家

而缺開開各口弄點異兌財財遠臺榮與南秋準兌已歸其

官官事醫主素賦

具類類益之書翁聯即五想測幾之備蘇念慈軒以許入

誥封宜人曾宜人誄

宜人姓曾氏常熟孝廉曾公退菴季女也少失乾蔭愛鍾慈闈
敷衽受書鬪華學繡剡茗玉而躍采闕掌珠而稱珍年十七歸於
今庶常吳子蔚若琴瑟得友簧翮鳴歡戴爵釵之九梁笑蛟錦之
十索孝事君舅祇敬于敦牟追存先姑潔蠲於饋奠歲時通族姻
之問告歸循師氏之箴惠敏交稱疏戚罔間吳子綺歲騰華英年
振藻早登賓興之選旋入承明之廬芸香校書蓬山列籍
宜人乘龍得偶益持柔嘉鳴鷄警寢不忘敦勉遠道答釵錦之貽
中饋謹酒漿之庀屏棄鉛黛塵視羅紈寸心悃勞冀得抱子今歲
九月禘祝有應而製襍待舉懷鈴空墮詩乖如達之望易筮不育
之凶珠胎旣刳玉骨並悴香沈聚窟覓反魂而洲遙帳結流蘇攬

潛英而肌冷卒年二十有四吳子篇成錦瑟默感年華葉掩重局
輒增累息悼淑質之弗美恐來芳之易培源以為銘誄之文古
皆刊著金石述德抒哀舍是焉托不揣謏陋為作誄曰賦于今歲
采苜風樂夢蘭姑康云苜彼姝遭祥而殃彼姝之生瑛瑤其質賁
章弱笄綜藝密室既嫻詩禮亦習組纂詠絮思清依護色婉穠李
韶年作嬪延陵鏡斂夕對沃盥晨興媿媿柔儀誰誰敬愛承尊施
顰相夫贈佩夫子早達無改謙素夫子遠遊不貽睠顧綢繆慰問
婉變笑言希桓儷德踵陸比肩朝華初暉慧福正羨何圖連災困
斯桂衽昔鄭姜之蹇產兮徒瘡痍於形憊奚昊穹之靡忱兮彼獲
祐而茲害震一索既虛占兮又重遺以凋瘵握珎語哽含絲氣沈
風牖去肅月窟奔深嗚呼哀哉繁霜降兮庭卉枯步周流兮循欄

隅甯塵網兮綺櫳閉拂玉軫兮琴絃孤棲禽夜驚別鶴聲愴啣悲
軫今迴腸溯往嗚呼哀哉結伉儷於八載兮睦酬唱於綺寮怨薜
顏之忽謝兮渺良匹於靈簫孰同車而言邁兮抗神京之迢遙玉
堂兮天半被青綾兮獨日擁熏爐兮不溫聽鈴索兮悽斷騷屑羈
凰紛飛旅雁遲徬徊兮孤征營齋奠兮薦誠搜衣蓋篋誤響簾旌
嗚呼哀哉泉塗永閉德帳空懸膏焚燼落房虛跡湮信年壽之有
限兮蘊淑媿而未究惟表行於女史兮長貽芬於來胄

光緒五年己卯九月年世侍生朱培源拜撰

白川者金石述德行其合是為其不特謂也
 汝齡正半日限其月平西卦主來部既其
 則各蘇斌熾而未突部表其文史各其韻表
 則和冥婚泉壑來開部則空懸膏焚熾蔡吳
 風餘無部郵郵部各其蘇熾熾熾熾熾熾熾
 至各天半婚青蘇令開日對熾熾令不盈蘇
 其之必情徐熾熾更四其熾熾熾熾熾熾熾
 其今臣部則其部其其其其其其其其其其
 則其其其其其其其其其其其其其其其其

衢郡踞浙省上游西接江西玉山南鄰福建浦城北界徽州休甯西北毗連婺源蓋自古用武必爭之地予於咸豐五年擢守是邦時粵匪棄徽郡竄踞婺源陷江西德興弋陽廣信玉山等郡縣予先奉委赴衢襄理防務至則江西官兵克復廣玉餘賊竄入常山縣境幸先請調川兵五百名營於常山西門外五里亭賊不敢逼乃由常之七都球取小道至開化華埠鎮里口莊前出白沙關再入婺源一路皆崇山峻嶺守兵寥寥均聞風先遁致賊出入自由如入無人之境既到任遍覽形勢並查郡志知閩浙總督原駐衢州嗣以海疆緊要改駐福州竊謂方今多故仍宜請大府親督重兵駐衢調度庶足以固門戶前後三上何中丞桂清書當事謂予

書生怯敵恐誤邊事卽檄調赴省予亦旋以父憂去官至六年以後西北邊警頻仍乃議派兵駐守予於八年春起復重來其夏僞

翼王石達開率大股由廣豐入犯閩之浦城進犯江山饒鎮軍

廷

選會繆觀察梓盡斂兵入保郡城賊遂由江山分陷常開圍攻衢

郡三閱月不得逞而金處嚴一帶均已被賊蹤蹂躪乞江甯大營

遣兵來援始擊走之郡城亦於八月初解圍中丞晏

端書

方伯徐

清惠公檄予往攝郡篆時婺源尚爲賊踞李鎮軍

定太

率所部駐

常山扼守予旣履任閱視郡城被賊砲轟坍塌裂處甚多且各門月

城炮臺馬道急需繕脩而費無所出繆觀察解圍後進省留辦籌

防局務數月不歸無所秉承會衢郡創辦商釐予乃請於大府加

收城濠經費一成專款解府逐月修葺並先借正款墊脩收後歸

還十月與工至次年正月李鎮軍會皖兵克復婺源予爲接濟軍

裝資糧二月新任知府江允康奉文赴任予即交卸回省至十一

年正月江君升署道篆予又奉衢州之委時予原籍已陷老母無

安居之地衢又當賊衝不敢迎養力辭不獲以二月十日到任時

則江常等縣甫復徽郡尚爲賊踞兩江總督曾國藩駐師祁門不

能爲我浙屏蔽在防盧游戎成金一軍千人暨臺灣勇數百人先

後奉調回閩衢郡僅有閩兵六百人本鎮標兵數百人李鎮小隊

二百人外則郭協戎啟舉統弼壽勁勝英勝勇及楚南兵共二千

餘人駐常山周協戎萬遠統安定軍功凱勇二千餘人駐江山均

歸李鎮調遣予既履任與江觀察李鎮軍皆莫逆舊交復有署鎮

軍崇副戎志及幫辦防務之蘇觀察式敬朝夕晤談商榷守禦之

策閱視城濠則江君於接任後陸續興脩通城惟東面及東北隅未脩濠河亦三面浚深予正飭匠接脩城東北隅據探報建德不守曾師移營東流僞侍王李世賢進犯江西之景德鎮陳總戎六富陣亡全軍皆沒遂犯樂平經官軍擊走乃竄入白沙關至華埠窺常山時安定軍右營先調來郡因派左營赴常助守詎郭軍不戰而潰相率全由江山奔回郡城該逆卽於廿四日入常城分陷江邑次日直逼郡城至航埠銅錢嶺一帶插旗放火城中倉猝守備卽留郭周兩軍分門扼守並飛請張軍門玉良由嚴來援正議進攻江邑以固下游門戶忽報嚴屬遂昌告陷軍門急欲退援挽留不可於是郡兵不能分剿賊勢遂張由大溪灘柏靈街日偪日近距城不數里我兵間出截擊小有斬獲相持半月餘賊不敢攻

城而已潛由江邑度草鞋嶺涉溪繞衢下竄四月旣望夜三鼓忽傳郡東各鄉賊大至卽派隊東下冀出賊前迎擊而龍游已於十七日告陷署知縣龍森死之自是陷湯溪陷金華縱入腹地浙事糜爛張軍門以壽昌故退保蘭溪乃兵民互鬪賊反乘之以及於敗賊遂有破竹之勢永康東陽義烏先後不守浦江被圍嚴郡亦於六月廿一日失守同日復有另股粵匪賴文洸由徽境竄入常城郡中派兵擊走之馮觀察席珍所部二千餘人自江西援剿閩汀踞逆適汀郡已復餘匪悉竄江西境踞鉛山之湖坊觀察因奉調改援浙江以行糧食米不繼駐軍江山予親詣江邑勸辦作數日留時嚴郡於收復後又被圍攻張軍門全營潰退惟羅協戎大春一軍嬰城固守予激勸觀察率兵東下並籌數日行糧資之觀

察慨然赴援驅走壽昌之賊遂達嚴城與羅軍共守向非忠逆大股復由衢內犯或尚可保全也偽忠王李秀成既得江西郡縣二十餘城一旦棄之而東勾結湖坊花旗股匪窺伺我衢八月下浣復陷江常開三邑蔓延二百餘里龍壽諸賊亦同時上竄九月朔薄城時我軍營大小南門外者三營東門外者二皆嚴兵守禦以待其來攻初二夜三鼓大霧四塞及辰始開則賊已列十餘營與我營距里許郡城兵勇同心堅守予每夜督帶練丁登城以助自初三至初六日日日出接仗均有斬獲我兵亦間受傷初七日天未明李鎮傳令出隊挑戰賊堅壁不出俄而城上大砲中賊營棋杆適折賊鬩然出營我兵乘之斬獲無算斃黃衣賊目一名自辰及未毀其營五座餘賊退走追殺數里是夜天雨賊全數東竄郡城

遂解圍是役也賊衆號稱二十萬實亦有十餘萬連夜在城望四面山頭燈光如晝往來不絕蓋其意急欲窺杭故大隊分南北兩路東行僅以中路數萬人圍衢牽制我兵使不能遠擊第就衢言衢亦可謂稍加懲創矣旋據探報嚴處兩郡均於十五日失守次及台州紹興甯波所至無一二日守者而杭城亦遂於九月廿四日被圍張軍門總統諸軍營於城外以中砲陣亡况總戎文榜接統其衆衆不附賊營之在候潮門外者距我營僅半里而糧道中斷內外消息不通城中食盡草根樹皮均不繼有食死人肉者至十一月廿八日城陷巡撫王有齡學臣張錫庚諸君皆死之城外各營楚勇居多卽日逃散絡繹過衢予日督兵出城彈壓尚無敢譁鬧者當衢初被圍時予夜巡城墜馬傷腰脊方事之殷未敢言

病且時值省餉久斷閩餉亦不時至向在城各鋪戶業戶婉借錢
萬數千串散放各營始克用命李觀察元度前以守徽不力獲咎
間居王中丞聞其勇敢善戰爲乞 恩助資俾募勇數千援浙始

以兩楚江西一路賊阻節節耽延迨忠逆棄瑞州而東乃屠其後
一路稟報克復至八月廿三日師次廣信聞衢警不進遣探到衢
索道府印據驗知解圍乃整隊入浙又二十日方由衢至龍游頓
兵堅城之下師久無功而杭信日亟中丞屢以帛書請援予亦數
上書勸駕乃索餉精軍火改由壽昌取道援杭又不能進而杭城
陷矣太常卿左宗棠先奉督兵援浙之命駐師廣信同治元年正
月奉 命巡撫浙江時則記名總戎林文察統臺勇于餘人甫來
卽奉調規復處郡李觀察不及援杭自請駐江山以扼餉道衢郡

存兵仍七千餘人而忠侍兩逆至此乃銳意取衢自龍游西南連佈營壘距城不及二十里又自壽昌進踞遂安達開化意在再踞江常爲合圍計左中丞督師入浙擊賊於開化之張村殲其衆餘黨由遂安南界入西常境夜望四山鎧光照耀如前惟西南一隅未合耳中丞先移師克復遂安乃督兵至常山駐軍水南賊方在招賢蟻聚阻我西路聞左軍至悉涉河趨江山左軍追躡之相持於花園岡屢獲勝乃焚營遁而西安境內如石室街等處賊營未動郡中屢派隊往攻猝不能拔四鄉避寇者皆在城中日望大兵早到而賊窺伺開遂中丞復回兵剿之至六月方擊退石室街之賊西境肅清然自五月以來城中大疫死亡無算各鄉田地以石室街堰壩被挖無資灌溉盡廢不耕予先邀紳董借城中民田多

栽稻秧冀賊平攜秧歸插而竟亦無及七月中丞師次潭石灣進

攻龍游八月方伯蔣

益禮

率所部到衢分攻湯溪龍城亦復以次收金華

恐城守稍鬆及二年正月蔣軍計克湯溪龍城亦復以次收金華

郡縣廉訪劉

典

一軍亦自蘭溪油埠會蔣軍下浦江諸暨桐廬旋

率兵入徽境堵剿以清後路浙事乃大有轉機予亦卽於四月交

卸計署任至今凡兩年三月雖艱苦備嘗而以孤城當衆賊衝幸

得保全非始願所及蓋予三至其地官與民旣相習又文武和衷

兵民一意且實行團練鄉民亦助守陴清查保甲奸細無從混迹

故雖城外接仗而城中人心鎮定市肆不驚用收衆志成城之

效先蒙制府慶

端

以十一年兩次守城入告予蒙

恩賞戴花翎在事文武獎敘有差並以西安團練得力允道府之

請奏准加廣文武學額各三名以昭激勸然衢郡子遺之民創鉅痛深所賴後來守令善爲撫循庶可起瘡痍而登衽席予雖去任極不忘懷也聊記顛末如右

中丞承帥次遺石... 到後分取揚溪... 始有... 龍城亦復以次收金... 捕江諸暨... 亦於... 乃大有轉機... 城常... 既相習又文武... 保甲... 用收... 登珠... 去... 數之... 吳...

先室趙孺人事略

恩慶

孺人趙氏瓊僊字姍姍世居上海之高家巷祖諱梅原任亳州知州致仕歸始遷於松江考諱光弼上海庠生孺人性敏慧能讀五經及四子書得父母歡比長習鍼黹剪綵鏤花備極工巧兼通音律所居日詒燕樓棋枰茗碗不染一塵父歿兄增綬增敏相繼卒外姑慟之甚孺人多方勸慰之晨昏定省所以娛親者無微不至年二十來歸時粵逆踞江浙余以孑身羈棲外家歲甲子余父奉差徽州屯溪鎮適有賊警孺人聞之立爲束裝促之行曰此豈耽燕樂時耶余遂間關達浙迎奉重闈僦居浙之蕭山是秋余父差旋奉大母返里而孺人亦遂歸事上御下悉當堂上意終日習女工無稍輟余性疏懶几席間書籍縱橫孺人必手自檢點衣履之

屬垢者浣之敝者易之尤能隨時體察必儉必勤長於吟咏而詩
不易作五年春母病往省親侍湯藥歿後哀慟躄踊自是不數歸
今春歸哭祭於墓一慟幾絕蓋重傷家門之寥落也未幾得嗽疾
日益瘦削繼以嘔血嘗述夢亡母來迓初猶謂感念所至乃卒以
不起嗚呼傷已豈重泉之下母女不能相離耶獨不念余衰親之
慘悼耶孺人教子女極嚴有過恒督責不貸先大母棄養時余父
在浙需次余母隨行故病中左右抑搔惟孺人是賴孺人侍疾之
餘兼持中饋勤慎周至不辭勞瘁孰意今甫一年而孺人亦相繼
下世耶嗚呼余獨不德失此賢助追溯曩昔能不泣然孺人生於
道光癸卯十月十七日子時歿於同治己巳八月十七日午時存
年二十七歲遺子女各一子名應鼎年六歲女芬年三歲用紀崖

畧以垂家乘亦聊以抒余之哀悼云爾

[Faint vertical text in columns, likely bleed-through from the reverse side of the page. The text is illegible due to fading.]

吳氏支譜卷十二

祭產 義田記附

辦祭規條

立議虞揆等爲大石雅宜白豸山三處 祖塋向有我 祖予采
公遺存埭川田百二十畝六房輪收租息備辦祭掃嗣因頑佃抗
租輪收則愈滋弊暫將此田分析內提十四畝零存於二房收息
抵辦三處墳糧其春秋二享各房津貼於當祭之人行之數年有
餘漸多拮据今丁丑春正月鳩集子姪議仍復前規隨有三四兩
房諸姪願將分析原田歸公而惠孚遜時兩姪更願義助田十六
畝零是以大房姪大聲願歸出銀十兩二房姪受謙願歸出銀四
十兩欽文兆麒聖麟三姪願合歸出銀四十兩六房知三姪願歸

出銀三十兩共計銀百二十兩另置田產以此備辦墳糧祭掃庶
無虧缺此足徵我族中子姪皆能敬承 祖志篤厚宗盟藉秋霜
春露之思敦合族展親之誼儻後有賢子孫出踵惠孚遜時兩人
義舉更能張而大之使 祖宗之祀典加隆而族屬之婚喪有賴
予尤不能無深望焉用是公議重立規條六房各執存照

一丁丑年祭掃卽從大房當起但草創之始尙未收息其所費暫
於百二十兩內借用俟收租時扣補卽爲下年當祭之用永以
爲例庶無拮据

一從前存貯二房辦糧公田十三畝零及大石雅宜兩處墳旁收
息餘田白豸山墳旁租屋一併入公

一墳地方單書子孫不得私售長房收執三四兩房歸出祭田亦

於方單書明公產不得私售仍存三四房收執惠孚遜時義助祭田亦書子孫不得私售仍存惠孚遜時收執

一三處祖塋坵形四至各繪兩圖其畝數樹木顆數及祭田都畝佃戶細數併三處墳丁承攬俱注明簿內六房各執一本存查一祭掃之費每年以二十八金爲率春祭時交用二十三兩秋祭時支用五兩至收租完糧六房公舉欽文經理總期至公無私或有他故更擇替代每年俟收租畢卽將糙米出糶訂於正月盡邀同德求遜時將所收花息核明細數除去條漕雜費外一併交出以備祭掃支用如有贏餘卽存貯公所以備修葺墳墓及添置公產之用

一歸出銀田之後共期世守勿替儻有不肖子孫倡議分析我族

共攻而斥之使勿與諸兄弟齒

一祭掃先大石山祖塋用四色朝飯四桌八色祭一桌六色祭三
桌山神盤二副大船一隻次祭雅宜山祖塋用朝飯四桌八色
祭一桌六色祭三桌山神盤二副大船一隻次祭白豸山祖塋
不備朝飯祇用八色祭一桌六色祭三桌山神盤一副是日各
自呼舟午前齊集享堂祭畢同享餽餘過午不候
一大石雅宜兩處祖塋每年一祭白豸山祖塋每年春秋二祭

乾隆二十二年三月庚丁日立議

祭田在善平縣水縣縣書院內惠學堂後地
祭田在善平縣水縣縣書院內惠學堂後地
祭田在善平縣水縣縣書院內惠學堂後地
祭田在善平縣水縣縣書院內惠學堂後地

創立繼志義田記

乾吾父坤吾母民吾同胞故君子以天下爲一家曷庸乎義田以一家計天下理一而分殊張子厚作西銘借家爲喻家於身九切親親仁民先後自有定序顧亦分量有限士窮居所得致力者惟此一本之親孝弟友愛實政之紀仁之本也至始祖以天下讓迨季子祖以國讓垂我吳氏萬世之家法者惟讓義高天下而仁在其中何屑爲後世子孫營一家之謀哉我吳下惟范文正公家有義田其子孫至今賴之吾先世獨有清白之遺子孫特陰受其賜而已聖人傳以心賢者傳以迹分量各有所宜獨念此心法之傳亦有藉乎爲善之資范氏義田之舉吾家亦宜有焉先大父訥亭公有志焉而未之行以志大而不欲小試之耳子承祖志而力迺

弗逮先業遠甚將終以力阻吾志耶姑就所能爲者爲之以爲子孫倡特捐田六百畝立爲義田以公諸五服之親傳子及孫而各以五服爲率內以二百畝爲奉公田以資公役以五十畝爲報本田以供粢盛以會族食以五十畝爲敦睦田以恤匱乏以尊高年以五十畝爲嘉禮田以時婚姻以重人倫之本以五十畝爲凶禮田以謹喪葬以厚人道之終以百畝爲勸學田以教以掖以成後昆之美以百畝爲備荒田以儲以散以裕歉歲之需凡吾五世咸得與焉我子若孫不得而私焉不得而擅廢焉吾行之吾身自萬厯壬寅始是年卽令長子正誼司其出納行之三年而令仲子存古司之又行之三年而次及正始正邦正綱凡三年一輪筦有餘積口以修葺祖廟及先墓焉吾先聖讓天下而不露其迹乃稱至

德余此舉特繼述之微事耳胡足以自序又胡足以鳴於人子孫之才不才不可必不鳴不足以世守故願乞言於立言者以永其傳焉

奉公田記

吾人一日得安其生於天下者皆賴有朝廷之法在也亦賴有行法之官在也否則強陵弱衆暴寡其不同禽獸之弱肉強食者幾希何能自安於一朝夕哉故惟正之供自雨我公田之詩作而爲下之急公家明矣吾邑賦特重於天下故田之值亦特輕於天下大都一畝之入治田者力耕而得其半有田者任賦而得其半其半之入良田石之外次田石之內其減額下田則數斗僅供賦且水旱之虞或無入而有出焉其石之內外者五斗公家之物不可

以爲己有卽所存四五斗亦尙有役費民家非至儉約不足以久夫役非可已也國家常賦之外有里役焉有糧役焉皆所以供貢賦者也一無備其何以爲往役助哉故立奉公田二百畝吾家世占長洲縣九都八甲里長逢已爲見年約費二三十金十年中輪糧獨五約費三百金計二百畝之八一歲可得餘米八十石十年所收適當其數然必積貯以待用可也當年則無及矣主管二年而當三年則不足當一年則有餘合通計而公用焉以有餘補不足而猶有不足則輸者當之惟茲役田不必概輸力不能補者免之交代之年必合族而公議其可無強委以貽後人之悔

按奉公田記後舊譜尙有三條

報本田記

人本乎祖忘祖則忘本矣故立報本田五十畝時則有廟祭二月
清明十月朔則有墓祭洞涇吾高祖閒可公暨高祖母閻邱氏合
葬焉吾曾祖弋陽令後川公暨吾曾祖母王氏合葬焉野貓街一
墳花園村一墳皆遠祖合葬焉竺山主穴則吾大父訥亭公暨吾
大母陳氏合葬焉其昭穴則吾父五臺公暨吾母俞氏合葬焉其
他則吾諸父合葬穴也吾外父光祿郭公劔泉暨吾外母鄒氏宜
人則合葬於犀脊之崇封吾幼時甥館禮遇甚殷教亦切至外母
止生一女歸我念甚專一義不可忘吾子若孫當照我父母致祭
者也廟祭五服子姓咸在卽可以行族食禮因而教之孝弟勉其
爲善戒其爲非不惟可以聚祖考之精神而亦可以聯子孫之意
氣十歲以上皆得與祭成童而不至薄罰成人而不至一次罰跪

廟庭一刻三次不至凡恤典皆不得與豈有不敬祖宗而可以爲子孫者乎期豫訂於祭前三日尊長有不得已之事不得與豫於是日明言之俾主祭者更期而祭惟有疾則不與可也祭之日已刻行事午至者罰跪半刻以懲不恪行坐趨立俱照班行以齒爲序族食酒不過醉食畢尊行年長者稱子弟之勤學儉約者以爲衆勸而斥其游惰侈靡者以爲衆戒凡有悖於家法者初次與衆辱之廟中二次與衆量責之三次拘禁於廟一月五次不改不許與祭若此則情意既洽而漸摩亦至矣何至終忝祖德哉

墓祭品 鶩二隻肉二方雞二隻菜五色米二斗饅頭二盤

攢楹一架香燭一分 清明日合族同祭

竺山新墓祭品照前從豐 酒三十觔米一石 清明十月朔

同祖子孫同祭

敦睦田記

仁者以同胞視同類不忍一夫之不獲所民有不得其所者視之猶吾兄弟之處顛沛也此必得時行道者乃能任之弗可尙矣弗可望矣然時固不可必得而何忍自反其性何謂自反其性待至親無異於塗之人者是已此無他慈子嗜利之習三代而下皆染成痼疾矣素封之家猶自歉其厚遺之不如尤富者矧如予小小中人之產多子若女遑恤乎子之外哉獨念吾愛吾子吾父母之子可以爲外人乎吾祖吾曾祖吾高祖之子又可以爲外人乎以吾愛子之心體父母以上之心自有不能愬然者五服之中命不齊才亦不齊處家勤惰奢儉亦不齊於是不能無失所者故立五

十畝田以贍之食不足者繼之粟衣不足者繼之帛六十以上俾得衣帛食肉少者長者俾不飢不寒可以爲師則延之以教子弟可以理家則任之以司出納有高標雅操則推尊之以爲一家式不止限於田之所入役甲教田皆可以通融周濟要在各盡其長各適其宜而已凡一本之親皆使有養有終老吾老長吾長幼吾幼俾一家不失爲一家雖不敢望仁者一家天下之公亦庶乎不失行仁之本云耳倘見者不以爲迂而相沿成俗則人人親其親而合愛之風亦或可以幾志以分限而理則大同安知我子姓中無先得我心者亦安知我里中無先得我心者安見此舉爲一家之義已哉

助貧五條 六十以上貧者每年肉米三石 七十以上加帛

米一石不近支凡貧者每年一石
遠支貧者五斗
延之教
子弟及理家政者束脩量給

嘉禮田記

生男而願爲之有室生女而願爲之有家凡爲父母者同有是心
惟限於力之不足則昏禮多有不能及時者矣吾爲父母之心與
曾祖考爲父母之心一也吾之子女可使無後時矣而不能推此
心以待曾祖考之子女將使男女愆期或至越禮違教遂壞人品
不可復振夫婦人倫之本可不重與先王制禮本乎人情飲食男
女人之大欲存焉此天性也卽天理也理以制欲亦在無愆期而
已力不足者或不能如期故立嘉禮田五十畝視其所處而議周
之嫁女者半之力足以及者不必加厚厚在力不足者焉

嫁娶二條 娶婦近支宜厚者四石次三石又次二石續娶半

之行聘時不足者先給一半嫁女半之

凶禮田記

人子之事親惟送死當大事焉有不用其情者或限于力則初喪之日附於身者能保其必誠必信而可以無悔乎力不及則貽之悔焉而不遑恤矣臨喪之日附於棺者能保其必誠必信而可以無悔乎力不及則貽之悔焉而亦不遑恤矣夫所云無悔者非必觀美也非欲厚葬也衣衾整潔而已布素可也棺不速朽而已不必杪枋也八土爲安而已不必石槨也無爲害所及而已不必崇封茂林也尤必如期而葬不必久露以需佳地吉日也若止爲死者安厝而不爲死者狗生者則甑灰人力僅取諸數石之粟而已

裕而或并此數石之粟而無焉將或至於暴露而重人子之罪大矣故立凶禮田五十畝使吾五服之內貧者不至乎無終焉

助喪三條 初喪近支宜厚者四石次三石又次二石聞訃卽親送喪所治喪具無使別費 臨喪近支厚者三石次二石又次一石有葬期訃聞亦卽送爲治喪具勿使別費 厚薄視支派遠近亦論家業中下人品何如後嗣何如不得以意爲向背其家事充足力能自治者止送奠米喪葬各一石支近而賢者二石內以二斗備祭品文軸期合族共哀之力能協奠及情當致奠者貼分金一錢不必另備期於一日使主者便易子姓咸在哀戚共之亦不失一本同源之意云

勸學田記

人性本相近也而卒至於相遠者學與不學之故耳學則中人可
以上達而愚者亦可以破愚不學則中人必至下達而才子弟亦
不免作狂學之所係顧不大哉吾所謂學豈止博古今工文詞習
舉子業以邀名干進已耶其始也亦自章句入而誦讀之下必先
講明於義理整飭於灑掃應對進退之間日範以入孝出弟謹信
愛衆親仁之節其旣也亦自體認發明用力而一言一動必以所
學體認於身心聖賢垂訓吾時習之自始學至終身念念以聖賢
爲依歸居則爲孝子順孫達則爲忠臣烈士乃所貴教也而文藝
特其緒餘耳名位乃其自寓耳士子之作文如女子之女紅皆收
斂身心之具殊非大節所關不學則身心放逸習俗易染故必擇
師教之始學之卽與之書籍紙筆能爲文而培之游庠序而又培

之賓興而贖之薦於鄉而益厚之凡以與進也進則必行所學期不負立教之意如以不廉壞家法則合宗之學者共辱之廟中惟仕有操守者凡祭與宴與宗人齒必□□□以興起後學教有延師館穀及各項優禮之典故必以百畝不足則以別田餘粟佐之延舉業師貼米十二石句讀師貼米十石游庠賞米三石每年紙筆米二石 應鄉試米二石中式五石會試三石發甲十石初學成文每年紙筆米一石院試一石考遺才一石放科一石備荒田記

夫以五頃之八供我五服貧者之需似亦足矣而又益之以百畝者則以水旱可虞也戶下業田雖非盡出卑下而卑下者十之三畏旱者十之三儻值災傷將以何者行吾義乎故又有備荒田百

畝五歲之中幸而皆登則積之以備一歲之歉卽遭二歉亦或可支其半則此田之八九不可目爲羨餘之物而輕用之者也予大父詡亭公昔欲積千金爲公田以嗣范文正公之義享年八十有三而僅積至八百金不輕舉也先大父卒吾父五臺公以此舉付之仲叔仲叔終亦不舉而卒爲繼嬭石氏私其兄若壻余承重孫也所承莫重乎志然予中人產旦分析五子故儉於六百畝亦將少需焉而恐今之爲大父追惜者又貽後人之追惜我也私以謀之婦婦曰好事宜早爲之當使身親見之兒孫多貽之不爲恩少貽之不能怨況吾起家所貽尙不逮今諸子所承之產盍亟圖之以無負我二人同心克家之意予感其言遂就所有而創立以繼先志因此基而漸益之合我子姓而不限五服推及閭里而不限

一姓則存乎善繼志者

右義田記八首萬厯庚子子以往役寓都下草此辛丑春日書
呈於同寓楚中程梅二君子俱稱可而賜之跋矣凡我知己均
願有請焉儻各有節取之意而不靳乎一言此舉得藉以可久
賜及子孫感曷旣哉五服內養老助貧婚喪三等高祖同者爲
第五世給二分次貧止給一分曾祖同者爲第四世給四分次
貧給三分祖同者爲第三世給六分次貧給五分父同者爲第
二世給八分次貧給七分身所生爲第一世全給不得已而貧
者倍惟勸學田不分五服但肯向學而家事不足者必全給以
成其志在庠學不專家可過者聽延陵裔孫之良中石氏識
愉受讀曾王父中石公義田記諸篇其所三致意者曰此先王

父訥亭公之遺志也嗟乎會王父之所以訓厥後人者至矣夫祖宗僅有其志則祖宗尙不能爲事而逮我之身欲割橐中貲積田若干畝爲數百年以往之族姓計苟其人不至於大賢必廢然沮也若祖宗既有其事而逮我之身不過遵而行之無損於私財而坐收公義之名苟其人非至於甚不肖有不恪然勿失者耶獨柰何未再傳而法幾廢奉公廢而有稱貸以完官稅者報本廢而祭享不以時有閒歲一舉行者敦睦廢而貧窘老疾至匍匐哀求而與者尙有吝色勸學廢而子弟之勤敏者無所獎游惰者無所戒嘉禮凶禮廢而壯不娶婦死而棺槨葬埋不具者無所告備荒廢而儉歲一役在子孫輪值反似祖宗以累貽後人此無他故祖宗以義子孫以利祖宗合族姓以爲心

而子孫至不能通五服以爲心也嗟乎子孫族屬者兄弟之所分也兄弟其初一人之身也是故敬祖宗必愛兄弟愛兄弟則必敦族屬其道莫如使祖宗之善法洞然不去於心祖宗之成書昭然不去於目勒之石申之飭之留於目則其存於心也愈固庶幾其有裨乎夫祖父宗長之所在童子何知而敢有言也然以愉之身推而上之猶是曾王父之分體耳則愉之言之亦何敢曰愉之言也夫愉固不敢以有言者也順治戊子又三月會孫愉謹識

按石刻記後尙有相國申文定公太史朱公之蕃太史陳公允堅程公漸夔梅公獨早諸題跋存於舊譜不復備錄

公與魏公商，魏公曰：「早商，魏公亦欲善，而不與。」

魏公曰：「魏公亦欲善，而不與。」

會於魏，魏公曰：

「魏公曰：『魏公亦欲善，而不與。』」

魏公曰：「魏公亦欲善，而不與。」

魏公曰：「魏公亦欲善，而不與。」

魏公曰：「魏公亦欲善，而不與。」

魏公曰：「魏公亦欲善，而不與。」

魏公曰：「魏公亦欲善，而不與。」

魏公曰：「魏公亦欲善，而不與。」

重整繼志義田序

繼志義田者余先考中石公深念吾曾王父訥亭公有志不果以故割瀟涇腴田六百畝以贍族屬當是時四海晏安兵休革廢雨暘若風雷時粟一斗錢不滿百我族子姓未繁觴酒豆肉易給冠昏喪祭之禮易具無追呼之急無力役之勞先君且鯁鯁焉以數十年澣布茹蔬之餘爲繼祖贍宗計而又諄諄以族繁不給是慮以前業荒落是懲今天下擾擾枕戈席戟中人不給朝夕且螟蝗在野雀鼠在室豺虎在郊原斗粟幾千錢而家業日益落田地日益蕪族之藉此爲養老喪葬昏讀者日益衆然則歷年久子孫日益繁敦族之義日漸疎以日益之子孫行日疎之義而贍此日衆之族卽吾亦安能不惕且懼乎昔文定公爲先君告曰擇賢者掌

其籍詔其出八夫亦知一再傳之後子孫賢愚漸不可知故不得不爲之慮深遠然其初必令五人互司而不卽以屬之賢子弟者誠以子弟卽賢未必灼知我澣布茹蔬之苦衷不若此五人者能灼知之庶幾能善繼之以爲我後人之式也噫可懼哉余兄弟五人長兄點蒼仲兄無懷三兄空明皆相繼舍我去余與季兄括蒼兩人皆又及耄又安知我子若孫果能不負前人與否而不早有所定耶歲在丁亥春三月會族屬於洞涇之祖塋諸叔伯昆季咸在余于是溯前人之所欲爲而不果爲者削爲三則請於諸伯叔昆季咸許可先是卜地於祖塋之右鳩工營丙舍以祀我先君配焉可公暨五世祖弋陽令後川公族感義田之舉卽以我先君配焉堂構成出先君之手澤并諸家所爲序鐫於石垣於堂之左右歲

歲覽觀垂之永久且以勵我後人云

一遵先制昔我先人辛勤一世僅得中人產除分授吾五兄弟外存其一爲義田田不甚佳適予得瀟涇田百畝頗饒沃遂以前產易選其腴得田六百畝略仿范氏家法作義例例分六條條各自爲記升斗皆悉從奢從約大都以五服爲率而厚其近支惟勸學田不拘遠近一視其學之勤惰爲厚薄而奉公備荒者又慮以賦役之事累後人使義田不得永久故設此以豫其事而壽其傳其斟酌詳密如此我後人遵而行之足以無弊不得以意爲增損

一任賢能凡事得其人則興不得其人則廢我先人捐已田爲義田公也義田而顏曰繼志孝也公不可私孝不可廢今子孫日

繁其間有賢有不肖家事有饒有乏子孫而貧不免一私子弟不肖必至百廢予於是作未然之防擇子孫之賢者一人掌其籍族中之能者一人詔其出入餘子孫僅得稽覈之其人於會祭日共同酌妥與族中尊行造廬而請之以重其任其一歲所入除照記例祭掃贍族完糧備荒外所有贏餘仍挨五房照三年例輪次給之有志者卽此爲修葺墓庭之費然此亦祇就一再傳而論若繼此以至數十百傳則近者遠親者疎當是時總聽司事者主之吾子孫更不得藉三年之例爲口實

一定收貯齊門小棧亦先人遺產□□北隅鄉城俱便每歲貯租本棧司事者收其鎖鑰十二月會計造冊除糧折役費然後分單給米備荒一百畝悉收淨穀貯棧或儲北莊當此兵燹之餘

尤宜豫備苟非至急不得擅費

以上三則因弊極之餘不忍見先人孝義之思不再傳而卽廢迺承先志而重整之以圖經久非敢私臆更張也我後人其世守毋軼

順治戊子新夏七十五叟水蒼好古識

夫志新而舊者去以圖歸入非類亦無更耶出非對人其世若
 以士之國因執勤之勤不怒其求人等養之思不再務而勤則
 武宜將勤也非是念不特勤費也
 之餘

重整繼志義田序

先從伯父中石公創置義田而顏曰繼志於戲後之人可以深長思矣夫中石公爲曾王父訥亭公之冢孫雖訥亭公有志義田積金八百而未就至中石公世已隔事已邈而金且散又未有使命孰迫爲此舉乃慨然捐已貲割膏腴六百畝以上承祖志於戲後之人可以深長思矣讀其文分類析款詳委周摯明示後人以爲毋視此六百畝之所入可以飽倉箱肥囊橐也當知本之所以報族之所以睦急公備荒之所以舉昏喪勸學之所以式胥此六百畝是賴則此六百畝者分寸皆屬大義有是田則大義畢舉無是田則大義俱廢其爲大義畢舉之人與抑爲大義俱廢之人與於戲中石公之志更深且遠矣垂四十餘年滄桑更變漸有盛衰消

長之虞水蒼八兄瞿然慮爰勸饗祠中祀我六世祖閒可公暨五世祖弋陽名宦後川公而以中石公配將泐其文於石略仿文正遺法而變通之以永其傳水蒼兄旣克承志而子京素敦大義遂果毅肩任逾兩月而祠宇落成嗚呼真不愧乎爲子爲孫者矣夫盡人而皆爲子皆爲孫寧獨無志可繼寧獨不當繼志則請誕告我諸昆叔季八茲祠者瞻遺像之赫奕覩手澤之輝煌念無軼我前人之志凡力所能爲者光而大之力所不能爲者謹而守之夫孰不能保世亢宗又何患乎區區義田之不永哉

順治戊子清和上澣小姪迪謹序

重整繼志義田後序

械自總角卽知吾先大父中石公有繼志義田云雖喜聞祖德然未之詳也至崇禎丙子械年二十有一閱家乘見吾大父自著義田記八首始得覲祖先遺跡反覆玩不已伏而讀之其文綜核縝密縷析條分蓋若觸於事感於心而爲此憂深慮遠者亦欲千百年後吾子若孫讀吾記庶幾有會於吾心而使五服宗戚沐休澤於無窮也械於是益自喜而心竊識之勿敢斲矣丁亥春家君以歲祀禮集諸伯叔昆季於洞涇之祖塋耆頤主鬯少長咸集祭畢循虹橋而東折而北會飲墓側之雲隱庵載肉於俎崇酒於觴老相酬少相答熙熙然樂也酒數巡械再從叔長康執爵而言於家君曰吾族自中石公有地數百畝五服之內凡數百人貧有養孤

獨有賴天災時變有備勤學遜志有資選於里舉於鄉策名於朝
有勸急公有藉埋葬祭祀冠昏之禮有具猗與休哉使其時無數
百畝之地無數千百言之規則此數百人將老死不相往來而相
視爲塗人卽此纍纍數坵亦惟是烏啣鼠突衰草寒烟已耳又安
得執爵相勸訓於蒼松翠柏間而尊尊親親如是耶迺酌而祝曰
惟初亭公倡之於前惟中石公成之於後惟兄能無變其初請卽
此爲兄壽伯叔而下咸有感於此酌而曰其世世無忘中石公之
德盍序其書而貞之石以永其德焉是必崇祀閒可公弋陽令後
川公而以中石公配庶厭乃心乎於是皆欣然喜集資解懸佩屬
予小子棧董成噫其將使中石公功德流千億載而五服信蒙休
澤於無窮歟迺出所舊藏繼志義田記并吾大父手書勒之石冬

十有二月八日鳩工經畫之逾兩旬而像貌□□碑碣參差榱桷
几筵肅然在目矣或曰義田也曷言乎繼志蓋中石公創此義舉
以繼吾高王父詎亭公之志而又欲後之子若孫復起而繼吾中
石公之志也工旣成書此意冀後之觀者亦將興起於斯文
順治戊子脩禊日孫男棫謹識

族前為子... 日... 林... 齋...
 百公志... 工... 書... 出... 意... 業... 身... 之... 購... 者... 亦... 錄... 興... 味... 欲... 泮... 文...
 以... 齋... 高... 王... 父... 隨... 享... 公... 之... 志... 所... 又... 為... 對... 之... 于... 泮... 齋... 身... 賦... 而... 齋... 中...
 凡... 誠... 謙... 然... 其... 目... 矣... 越... 日... 善... 田... 出... 邑... 言... 平... 齋... 志... 益... 中... 环... 公... 檢... 出... 善... 舉...
 十... 日... 以... 公... 日... 誠... 工... 齋... 齋... 之... 齋... 兩... 所... 所... 齋... 口... 曰... 齋... 齋... 齋... 齋...

予采公祭產 二石八斗八升

長洲縣田 六石四斗

三都四圖亦典字圩 風水

一坵十三坵 一升 山地二十六畝八分九厘九毫

又 漆字圩 二坵四厘四毫

七 坵田九分一厘九毫

東六都四圖養字圩

五 坵田 四畝四分四厘一毫

四 坵田 二畝七分八毫

三 坵田四畝五分三厘八毫

六 坵田九畝四分八厘七毫

減寔米二石五升六合

減寔米一石五升六合

減寔米二石六升六合

例還銀六兩八錢六分 除給工食四兩

減寔米一石六升六合

減寔米九斗四升一合

減寔米七石八斗四合

減寔米五石一斗四升六合

減寔米三石八斗三升四合

減寔米九石九斗八升

予采公祭產

二 坵田 一畝八分三厘八毫
七 坵田 三畝八分二厘五毫
十二 坵田 五畝五厘二毫

三戶減寔米八石二斗四升七合

又 南五圖歸字圩

七十九 坵田四畝七分九厘七毫

減寔米四石七升四合

又 六 惡字圩

二十六 坵田 二畝一分三厘一毫
二十六 坵田 八分二厘五毫

減寔米二石九斗九升五合

一 坵田三畝四厘四毫

減寔米一石九斗八升四合

五 坵田 六分八厘一毫
六 坵田 六分九厘七毫

減寔米一石三斗七升二合

二十九 坵田三畝四厘九毫

減寔米二石六斗七升

三十一 坵田 一畝二分八厘二毫
三十一 坵田 六分四厘

減寔米一石五斗九升

四十二 坵田二分八厘八毫

減寔米二斗五升六合

十一 坵田一畝九厘七毫

減寔米一石七升八合

七十七 坵田四畝四分一厘五毫

減寔米四石六斗六合

三十 坵田一畝一厘七毫

減寔米一石七升八合

七十六 坵田二畝一分一厘
八十八 坵田三分九厘三毫

減寔米二石二斗一升五合

十 坵田一畝七分

減寔米二石四斗五升

三十三 坵田一畝九分八厘七毫
七 坵田一畝七分七厘一毫
八十一 坵田一畝二分二厘五毫

減寔米四石五斗九升五合

又 履字圩

六十三 坵田四畝八分五毫

減寔米四石五斗六合

六十四 坵田四畝三分八毫

減寔米三石九斗六升五合

六十五 坵田一畝二厘三毫
六十六 坵田一畝四分三厘七毫

減寔米三石一斗六升五合

四 八 坵田 二畝八分九厘
六分五厘五毫

減寔米三石五斗八升七合

失 坵田五畝四分

減寔米五石二斗四升七合

又 上十七圖尅字圩

減寔米四石五斗六合

十一
二十九
二十三 坵田十畝

減寔米八石七斗二升

失 坵田五畝

減寔米四石四斗一升

又 田三畝四分

減寔米二石九斗九升九合

又 田三畝四分

減寔米二石九斗九升九合

又 田三畝

減寔米二石六斗四升六合

又 田八分

作坡丁工食

減寔米七斗六合

又屋基一斗九升六合

又 五間作三分

減寔米三斗四升八合

又 九間作四分

減寔米四斗八升四合

又 三間作二分

減寔米二斗四升二合

又 六間作六分 上四戶按屋

減寔米七斗三升六合 除坡丁屠三斗二升六合

又 竭字圩

二十四 四十一 坵田三畝七分四厘四毫

例還錢二千九百四十文 作坡丁工食

三十二 七分三厘二毫

二十九 一畝一分九厘四毫

二十九 三畝五分九厘五毫

三十 二畝五分四厘八毫

又 魁字圩

二十七 三畝九厘四毫

二十八 六分五厘八毫

二十九 九分一厘三毫

共六戶減寔米十二石四升五合

共八戶減寔米二十三石六升八分二合

予采公祭產

三十三畝二分七厘七毫
三十四畝二分二厘九毫
三十八畝七分二厘六毫

共八戶減寔米二十三石六斗八升二合

三十畝田十畝二分三厘四毫
下地一分八厘二毫

七都二圖戎字圩

二十三分五分四分

減寔米一石三升二合

又四圖路字圩

十一畝田一畝

減寔米一石五升九合

十七畝田七分四厘
一畝七厘三毫

減寔米二石六升

十九畝田三畝五分八厘

減寔米四石一斗三升五合

三十畝田四畝三分九厘三毫

減寔米四石三斗五升四合

又鐘字圩

減寔米一石四斗二合

十五坵田九畝八分八毫

減寔米十石三斗五升八合

又二十三圖盤字圩

減寔米十石五斗八合

又二十七坵田四畝九分二厘六毫

減寔米五石一斗一升四合

又二十八坵田三畝七分七厘一毫

減寔米三石九斗六合

又二十九坵田二畝五分九厘七毫

減寔米二石六斗二升七合

又三十四坵田一畝三分九厘八毫

減寔米一石四斗五升六合

又又舍字圩

減寔米一石三斗一合

四十四坵田四畝二分

減寔米四石六斗四升六合

八都上十一圖發字圩

減寔米一石三斗三合

一百三十一坵田五畝六分四厘七毫

減寔米五石五斗六升二合

免三斗六升一合

十二都四圖字圩

減寔米八石六斗二合

十七八九 坵田八分

減寔米八斗七升二合

五十四 坵田二畝四分

減寔米二石六斗一升五合

八十四 坵田一畝三分四厘

減寔米一石三斗九升三合

四十五 坵田一畝八分四厘七毫

減寔米一石九斗四升二合

又 舍字田一畝二分

減寔米一石三斗一合

又 十四 坵田一畝八分四厘七毫

減寔米一石九斗四升二合

又 元字圩 二畝五分八厘六毫

減寔米二石六斗二升二合

十一 坵田二畝八分四厘五毫

減寔米二石八斗九合

又 黃字圩 二畝八分四厘

減寔米二石八斗四合

又 二百十 坵田三畝三分

減寔米三石五斗一升八合

又 十九 坵田四畝八分八厘二毫

減寔米五石四升五合八合

又 五圖小淡字圩

十四 坵田一畝

減寔米九斗八升

四 坵田一畝二分

減寔米一石二斗八升一合

又 鱗字圩

二十八 坵田八分九厘八毫

減寔米九斗八升六合

一 坵田一分九厘六毫

減寔米二斗二升一合

又 姜字圩

十五 二 坵田六分四厘

減寔米七斗七合

十五 坵田一畝三分

減寔米一石三斗八升八合

又 菜字圩

十二 坵田二分五厘四毫

減寔米二斗八升六合

又 龍字圩

三十一 坵田三畝八分

減寔米三石九斗四升四合

三十二 十四 坵田一畝二分

減寔米一石二斗四升六合

三十 坵田八分五厘

減寔米八斗八升三合

又 潛字圩

二十五 六 坵田七畝

減寔米六石八斗六升

四十一 坵田一畝八分五厘

減寔米二石四升八合

二十七 七 坵田一畝三分一厘八毫

減寔米一石四斗二升八合

又 田一畝四分四厘二毫

減寔米一石五斗六升二合

又 田三分四厘

減寔米三斗六升八合

一 坵田一畝四分

減寔米一石九升八合

又 師字圩

十六坵田一畝三分

減寔米一石四斗四合

又 鳥字圩

三十五坵田三畝六分六厘六毫

減寔米四石五斗三升六合

四十二坵田二畝

減寔米一石九斗六升

又 上六圖字字圩

二十七坵田三畝七分八厘九毫

減寔米四石二斗四升九合 免三斗

又 乃字圩

二十九坵田三分九厘

減寔米五斗八升八合

又 下九圖姜鹹字圩

十八坵田七畝二分

減寔米七石五升六合

二十七
二十八
二十九
三十二
坵田六畝二分

減寔米六石四斗九升八合

失 坵田一畝二分

減寔米一石二斗五升六合

西六都上九圖大字圩

四十五坵田一畝一分七毫

連下六戶俱坵

東六都上十七圖尅字圩

四十四坵田一畝一分八厘

二十四坵田八分一厘九毫

四十五坵田五分一厘六毫

十七坵田二分一厘二毫

四十一坵田一畝六分

四十坵田五畝八分五厘三毫

同治十年八月新得

北十九都一圖閩字圩

百四十五坵田二畝一分

減寔米二石二斗八合

一畝三丘田二畝

減寔米二石二斗六升

五 丘田一畝八厘九毫

減寔米一石六斗三升三合

又 藏字圩

減寔米一石六斗三合

一百三丘田二畝七分六厘八毫

減寔米二石九斗二升九合

十四丘田一畝五分七厘一毫

減寔米一石六斗六合

以上長邑共官則田二百九十畝九分六厘五毫 下地二分八厘二毫

共減寔米二百七十五石六斗一升二合內除

免九斗八升七合 坡工食九斗二合

共減寔米二百六十八石

共例還錢二千九百四十文 以作坡丁工食

一石二合

一升山地二十六畝八分九厘九毫

例還銀六兩八錢六分

內免工食四兩

元和縣

九都三圖成閩藏字圩

減寔米三百四斗三升

官田三畝五分

減寔米三石四斗三升

二十三都四圖賤字圩

官田一畝六分七厘七毫
減寔米一石六斗九升五合

官田一畝九分三厘三毫
減寔米二石一斗一升二合

官田二畝五分三厘四毫
減寔米二石八斗二升八合

又七圖甘字圩
減寔米一石八斗二升八合

官田五分二厘二毫
減寔米五斗五升一合

又九圖去字圩
減寔米一石二斗一升

官田七分
減寔米七斗六升一合

官田九分六厘五毫
減寔米九斗六升四合

官田二畝
減寔米二石二斗一升

官田四分四厘四毫

減寔米四斗九升八合

又十一圖讓字圩

官田一畝一分六厘四毫

減寔米一石二斗七升二合

官田三畝一分五厘

減寔米三石四斗二升五合

二十四都十七圖母字圩

官田九分三厘

減寔米二石六升六合

官田四畝九分八厘七毫

減寔米五石三斗九升四合

上二十五都一圖樓字圩

九十七^六七^七畝田四畝五分二毫
一畝四厘二毫

減寔米五石五斗六升三合

中一百三^七畝田一畝圖寺外中字圩減寔米一石三升

又觀字圩

減寔米八石二斗一升六合

十 六 七 坵田 一畝八分三厘
六畝一分七厘三毫

減寔米八石二斗一升九合

中三十一都十六圖寺後中字圩

官田七分

減寔米六斗八升六合三合

同治十年八月新得

下二十一都三圖習字圩

三十八坵田三畝七分三厘三毫

減寔米三石七斗八升二合

二十九都三十一圖嫡字圩

九 坵田五畝一分六厘七毫

減寔米五石五斗三升三合

又 悚字圩

一頁七坵田三畝五分

減寔米四石一斗八升

又 二十二圖銀字圩

減寔米四石八升

五 坵田四畝四分二厘八毫

減寔米四石九斗九升五合

七 坵田二畝五分三厘四毫
六 坵田二畝一分二厘二毫

減寔米五石八斗九升

又 二十八圖績字圩

六十八坵田二畝三分七厘六毫

減寔米二石七斗一升五合

九 坵田一畝二分

減寔米一石一斗七升六合

以上元邑共官則田六十四畝八分二厘四毫

共減寔米六十九石九斗二升

吳縣

一都九圖夜字圩

官田四畝五分

減寔米五石八升五合

官田三畝六分六厘三毫

減寔米四石一斗四升

官田一畝六分

減寔米一石八斗八合

官田一畝九分五毫

減寔米三石二合六分

十二都六圖文字圩

官田三畝六分

減寔米一石四斗三升六合

十一都二十四圖

官田五畝四分八厘六毫

以下兩戶同治七年補報

官田一畝二分六厘八毫

洞涇祠基

以上吳邑共官田二十二畝二厘二毫

共減寔米十四石四斗七升一合

傳玉公 振公公祭產

元和縣

東二十二都二十三番止字圩

官田十五畝三分二厘三毫

二百零九畝 六分三厘二毫墳屋 一畝墳

二百零七畝七分七毫

二百零六畝 三分三厘三毫墳旁菜地 三分七厘六毫墳浜

西二十二都二十五番馨字圩

官田十七畝五分一厘九毫

蕩田八畝二分三厘八毫

一百八十二畝 四畝三分七厘 三畝俱墳地 三畝 五分四厘

又 九番松字圩

官田四畝八分

又 十一番慎字圩

官 田六分六厘一毫

北三十一都一畝浜北字圩

官 田六畝七分三厘三毫

又 二畝浜南字圩

官 田八畝八分五厘八毫

又 三畝穆字圩

官 田六畝一分七厘六毫

又 原字圩

官 田五畝一厘九毫

又 四畝道士字圩

官 田四畝九分二厘九毫

又 朱張字圩

官 田四畝五厘四毫

中三十一都三十二畝蔡郁字圩

官 田一畝二分六厘

又 三十三畝北江字圩

官 田三畝六分八厘

又 三十五畝蛟龍字圩

官 田六畝

又 三十六畝張莊字圩

官 田二畝三分

又 深裏字圩

官田四畝九分五厘九毫

又 道因字圩

官田一畝二厘

又 四十四箇袁村字圩

官田三畝四分六厘九毫

吳縣

田三畝六分八厘

盤一箇黃字圩

官田二畝三分八厘

以上除墳田外計共一百六十七畝五分六厘二毫

未詳字

惇獻公祭產

元和縣

二十三都四圖貴字圩

二百二坵田五分一厘五毫

二百一坵田六分二厘

二百三坵田二畝五分五厘四毫

二百四坵田六分五厘

以上四坵無租
係惇獻公墳地

又 西七圖桐字圩

十六坵田一畝五分四厘七毫

減寔米一石六斗七升一合

二十八坵田一畝八分七厘八毫

減寔米二石二升八合

五十三坵田一畝

減寔米二石八升

失坵田六畝

分二戶

減寔米五石八斗八升

又 田四畝

分一戶

減寔米四石三斗二升

又 田六畝 分二戶

減寔米 三石一斗九升

又 田二畝 二分

減寔米 二石一斗五升六合

又 田三畝 三分六厘七毫 內放七分二厘九毫

減寔米 三石六斗三升六合

以上失坵九戶共田二十三畝一分三厘八毫

查舊譜係

二十六坵田 六畝二分一厘一毫

四十四坵 四分六厘一毫

二十九坵 一分七厘

四十五坵 二畝八分六厘八毫

三十四坵 三分二畝一分一厘六毫

五十四坵 一畝八分七厘八毫

其田二十四畝八分二毫因兵燹後祖簿遺失今查出田數較前少

田一畝六分六厘三毫合併註明以備查覈

以上除坡地外通其田二十七畝五分六厘三毫共減寔米二十九石四斗二升

嘉慶

年恬圃聚躔兩公捐置田

二十九都六圖嗣字圩

二十六坵田八分七厘

減寔米九斗六升八合

九坵田一畝七分七厘

減寔米二石三斗七升六合

十八坵田一畝三分

共減寔米二石五斗九升六合

又放田七厘七毫

又三十二圖嫡字圩

一頁六坵田二畝二分六厘二毫

減寔米二石三斗八升六合

中三十一都十一圖邵塔字圩

三百四坵田四分

減寔米四斗四升二合

以上田七畝七分四厘二毫

減寔米八石七斗六升八合

嘉慶二十一年餘息續置田

二十九都三圖簡字圩

七十七坵田二畝一分一厘八毫

減寔米二石三斗九升三合

九十三坵田四畝二毫

減寔米四石三斗七升二合

高五坵田一畝二分七厘九毫

減寔米一石四斗四升五合

以上田七畝三分九厘九毫

減寔米八石二斗一升六合

道光二年餘息續置田

二十九都十一圖足字圩

二十三坵田一畝四分

二十四坵田一畝一分七厘

二十五坵田一畝三分二厘二毫

二十六坵田一畝五分四厘四毫

四戶共減寔米五石三斗六升二合

以上田五畝四分三厘六毫

減寔米五石三斗六升二合

學曾公 恬圃公祭產

元和縣

二十九都七圖祭字圩

官田一畝三分五厘八毫

此戶係學曾公坟地無租

二十三都一圖睦字圩

官田三十五畝七分六厘四毫

減寔米三十五石七斗五升九合

又 二圖睦字圩

官田三畝

減寔米二石九斗九升

又 十三圖默字圩

官田二畝四分

減寔米二石六斗五升二合

又 十八圖寂字圩

減寔米四石二斗

官田四畝五分五毫

減寔米四石二斗九升八合

北三十一都四圖朱張字圩

減寔米二石六斗五升二合

官田三畝四分一厘

減寔米三石四斗九升八合

以上除境外共官田四十九畝七厘九毫

共減寔米四十九石二斗九升七合力在外

以上二圖湖字圩九厘九毫

減寔米八石二斗二升

官田三斗五厘四分

減寔米三斗五升七合力

二十三濬一圖湖字圩

官田一畝三厘五厘八毫

減寔米一畝三厘五厘八毫

二十八濬一圖湖字圩

官田一畝三厘六毫

減寔米一畝三厘六毫

學曾公 御田公繪圖

邁曾公 聚躔公祭產

長洲縣

十一都三圖生字圩

九 坵田一畝一分八釐三毫

減寔米二石二斗六升六合連力

又 劍字圩

二十一坵田四畝七分九厘二毫

減寔米四石九斗六升

二十二坵田一畝五分一毫

減寔米一石五斗五升三合

二十三坵田二畝七分一厘六毫

減寔米二石八斗一升一合

又 四圖巨字圩

十七坵田五畝九分八厘一毫

減寔米六石四斗七升六合

六十坵田一畝一分三厘八毫

減寔米一石一斗四升六合

又 五畝鹹字圩

三十九畝田四畝二分六厘一毫

減寔米四石四斗四升二合

又 十二畝霜字圩

二 畝田二畝二分九厘三毫

減寔米二石四斗六升一合

十七畝田一畝二分八厘九毫

減寔米一石三斗九升三合

十八畝田三畝一分八厘四毫

減寔米三石四斗一升八合

二十畝田三畝七毫

減寔米三石二斗四升九合

又 上六畝裳字圩

三 畝田四畝二分三厘一毫

減寔米四石三斗八合

東六都十一畝辰字圩

三十七畝田一畝四分二厘一毫

減寔米一石四斗七升三合

三十八坵田三畝七分四厘六毫

減寔米三石八斗八升二合

四十三坵田三畝八分六厘七毫

減寔米四石八升五合連力

又 來字圩

二十二坵田一畝一分四厘九毫

減寔米一石二斗二合

又 上北五畝比字圩

二十三坵田三畝一分九厘三毫

減寔米三石三斗四升七合連力

以上其田四十八畝七分五厘二毫

共減寔米五十二石四斗七升二合力在外

士都 上六畝火字圩

一 坵官田八分二厘七毫

三十五坵民田六分二厘二毫

五十坵五升蕩十二畝二分六厘

五十一坵五升蕩十三畝六厘七毫

五十二坵又 十二畝二分八厘八毫

五十三坵又 十五畝三分三毫

五十四坵又

一畝七分四厘三毫

五十五坵又

八畝八分二厘三毫

五十六坵又

六畝四分三厘八毫

五十七坵又

二百五畝七分七厘三毫

五十八坵

四升一合

蕩十二畝

里十毫

三十五畝

田六畝一厘三毫

以上土戶蕩田共三百十二畝三厘每年寔還錢二百十千文

魚三百斤折錢二十千文
力錢七千文

元和縣

八畝四分三厘八毫

共減寔米五十二石四斗

共減寔米五十二石四斗

二十九都七畝後字圩

三畝

減寔米三石四斗

減寔米三石四斗

二十九坵田三畝三分

三畝

減寔米二石四斗五升

減寔米二石四斗五升

二十二坵田四畝四分二厘八毫

三畝

減寔米四石五斗五升五合

減寔米四石五斗五升五合

四十七坵田三畝二分六厘七毫

三畝

五十三坵田三畝八分二厘

五十三坵田三畝八分二厘

四十八坵田四畝二分二厘八毫

三畝

減寔米四石八斗五合

減寔米四石八斗五合

四十九坵田四畝二分六厘二毫

三畝

上四戶共減寔米十五石五斗一合連力

上四戶共減寔米十五石五斗一合連力

又祭字圩

十九坵田五畝三分三厘六毫

二十四坵田七分

兩戶塚并工食

八坵田五畝七分五厘四毫

減寔米六石一斗八升二合

二十三坵田四畝六分四厘七毫

減寔米四石七斗三升一合

四十四坵田六畝一分七厘一毫

減寔米六石四斗七升七合

二十九坵田三畝四分三厘七毫

減寔米三石四斗七升七合

七十九坵田七畝五分一厘八毫

減寔米七石二斗二升八合

九十坵田九畝一分一厘三毫

減寔米九石五斗七升四合

九十二坵田四畝四厘九毫

減寔米四石三斗六升三合

九十八坵田一畝四分五厘六毫

減寔米一石四斗六升三合

一百三坵田一畝七厘

減寔米一石七升六合

一百四坵田七分八厘九毫

減寔米八斗二升六合

一百五坵田四分六厘

減寔米五斗二升一合

一百六坵田一畝八分八厘九毫

減寔米一石九斗六升五合

一百七坵田七畝六分二厘二毫

減寔米七石九斗七升七合連力

一百八坵田一畝五分三厘一毫

減寔米一石六斗八升五合

一百九坵田五分八厘三毫

減寔米七斗五合

二百一坵田一畝

減寔米一石八升八合

以上共田八十二畝四分二厘

共減寔米八十二石八斗三升力米在外

才武田五畝三分三厘六毫

又武田五畝一分六厘

譜所以追遠而傳後也由吾身而溯所自始雖百世以上宜無乎弗紀此譜自

閒可公始閱世止十有五且猶有弗詳焉者不以咫聞爲病乎三代以下宗法不行族之人萃焉而無所統攝渙焉而無所聯屬生齒繁衍遷徙靡定更閱數世有舉其名字而不知爲誰某者矣延陵得姓久遠支派尤繁舊譜始輯於長康公名曰近譜斷自閒可公始蓋具有微指迄今去長康公又已九世遠而溯之

閒可公以上固有所弗能詳也合一姓而言輯譜止十五世不爲詳就一支而言輯至十五世亦不爲不備矣長康公後屢經修輯在嘉慶戊辰以前經梅溪族祖子山貯雲鷗橋諸族叔先後考訂記載粗具堂兄燮堂戶曹侍養之暇遐稽博採迄

於嘉慶庚辰之歲續加哀纂添列系圖祠墓圖及于丙舍祭田非
欲多於前功以體例必如是始備而已然之迹凡可考而知者均
不敢聽其泯沒而弗傳於後也其名之爲支譜蓋本於近譜之遺
意在公曰士國皆祖武前朝出合公而分而凡在公曰武封閒可公以前者支自公曰武封公而分而凡在公曰武封閒可公以後者支又以公曰武封公爲統也凡我子姓閱是譜者詠世德於既往揚清芬於無窮悖
本睦族之意油然而生亦願後來者踵而增之庶乎有所本而不
至於失墜焉爾

道光四年歲在甲申刊譜成廷琛謹書於後

家譜之作所以聯宗族別親疏雖支派紛繁而開卷可以瞭然三代下宗法不行族無所統非譜則支系稍遠之族人無覲面而不識者矣吾家自長康公始輯近譜斷以

間可公爲始祖蓋以前支派已有不能詳考者自長康公傳數

世屢有增修迨嘉道之間先王父鑑菴公與堂叔祖燮堂公

考訂重修適叔祖棣華公由杭守擢任直隸清河道道出里門

慨任刻資是時艾生年方舞勺習聞家訓知自始祖至余兄弟傳

世方十有五而當時余兄弟猶未滿十人也忽忽數十年先考

有庚公歸田多病有志未逮叔父小棠公曾命寶恕韶生兩弟

纂輯未竟旋遭赭匪之亂盡付劫灰且族之人流離遷徙因而疾

病死亡者不可勝紀復城後陸續言歸蓋較前修支譜時已增三

世衍爲十有八世惟其間僅七世祖 予采公後六房一支人口

較多均可考訂此外人數存者寥寥已難徧考爰商諸 潤之堂

叔請修支譜以示子孫卽以 予采公祭田歷年餘資爲修譜之

費叔父允之卽囑各房開送世系並誥軸行狀等一一修繕叔父

身任其事惟餘世圖未繕客秋 艾生 自浙回里叔父適已抱恙見

於卧內首以支譜未成爲憾命 艾生 竟其役以告無憾於族人越

數旬病果不起 艾生 乃不敢辭延族弟麀生襄理力任系圖並未

刻之墓田及 中石公原立義田前續記一并付刊以存先世遺

迹惟各房世系有早刻竣難於增改者因卽一律截至丁丑年止

此後應添改者另簿記明俟諸異日增修至前譜 棣華公後序

有添刻祠墓圖一語譜目內註明未刻歷年旣久又經世變祠墓

嗚呼自吾先君棄養越一載於茲矣而家譜刊成郁胡可以無述
吾吳族姓繁衍庚申離亂之後漸次歸集生者日以盛其衰者乃
至泯滅而無可考蓋距道光癸未修譜之時已六十年矣自予采
公傳祭田三百餘畝供春秋祭掃修葺先壠族中鰥寡矜恤之費
歲有羨餘同治壬申先君爰有修譜之議凡族中支系自爲開列
期年而畢會甲戌迄於戊寅閱歲有五成卷十有二其支系中絕
者仍舊庚辰正月先君獨坐書舍歎息而命郁曰吾自前歲冬患
寒疾貌有餘而中實瘁心恟恍若有所失讀書數帙輒倦而廢去
吾自任修譜未嘗敢一日忘願以獨爲而力勞又其間有營建總
祠之舉伙助喪葬雜用之需悉取資於祭田量入爲出不能不寬
歲月以紓其用今譜藁粗備而世系圖未列校勘之功闕焉吾思

勉事於此作而輟者又數年不能無負族人之望吾亦恐不獲終見其成嗚呼孰意斯言預爲兆耶先君疾革前二日神明湛然命郁抱譜立榻前手爲檢理命郁以譜歸引之堂兄俾盡力而畢役焉茲引兄以竣事告謂汝體叔父之意宜有言郁何言哉郁維先君爲而未竟若畱以待引兄之歸引兄之完斯譜勤勤懇懇期限而事集旣慰族人之望亦足安吾先君之志於九原而郁以頻年試事南北奔走不稍分先君一日之勞而續垂成之緒今日得見完譜不得再見先君之面則展譜而不禁嗚咽者也因叙先君修譜之始末與譜之所以成用諗夫來者壬午九月郁生謹述

刻印工料細賬

一寫刻扯大小字打空做邊每百大錢一百六十文共字二十三萬九千八百七十二該錢三百八十三千七百九十五文

一掛線目錄例跋雙算共字九千八百五十二該錢三十一千五百廿六文

一挖嵌修補計六十工每工二百四十文共錢十四千四百文

一刻封面方簽該錢一千四百文

一刷印樣本六卷三部工紙洋三元

一五層板架兩座洋五元 又漆油洋一元

一賽連紙價每部四角八十部該洋三十二元

一刷印并墨每部一角四分八十部該洋十一元二角

一裝訂絹包角每部一角六分八十部該洋十二元八角

一銀杏夾板并帶每副一角五分八十副該洋十二元

一開工喜封酒席洋八元

一酬散工總喜酒洋六元

以上統共該洋九十一元錢四百三十一千二百廿一文

一酬散工總喜酒洋六元

百廿六文

一酬散工總喜酒洋六元

一酬散工總喜酒洋六元

一酬散工總喜酒洋六元